

Ki ta maua titiro i naiane i era maua e mutu mai i Akaroa me te Poti (Dunedin) a te 16 o Pepuere. E kore e taea e maua te whakapoto te takiwa e mutu ai te mahi i tukua nei ki a maua—erangi ki ta maua titiro i runga i te taha ki nga Maori e kore ano e kumea roati nga mahi.

Tetahi kupu a maua kia oti rawa te taha ki nga Maori i ahua takoto mai nei ki a maua i ta ratou roia katahi maua ka kaha, ki te ki he aha ranei nga korero e toe atu ana hei rapunga ma maua a hei whaikuputanga atu ki te Kawana.

Ki te Minita mo te trhe Maori, Poneke.

Heoi na mana,
NA T. H. TE METE,
NA T. E. NEANA.

E TA MA,—

Tari Maori, Poneke, 12 Aperira, 1880.

I runga i te whakahau a Te Minita mo te taha Maori he whakaatu takau ki a korua ko nga moni i pootitia mo te Komihana o te Waipounamu kua tata te pau. Na e mea ana Te Paraihe e kore e whakaae te Paramete kia tukua e ia kia nui atu i era moni te paunga.

He tono atu taku kia korua kia kiia mai mehemea he tika te whakaaro a Te Paraihe tera ano pea e taea te whakaoti ta korua mahi i roto i nga moni i whakaritea e te Whare.

E mea ana a Te Paraihe kua oti tata nei ia korua etahi whiriwhiringa i te Waipounamu; a e mahara ana ia he takiwa pai tenei hei whakamutunga i te Komihana, kia whakaritea ra ano etahi atu moni e te Paramete hei mahi ma te Komihana, Mehemea e tika ana tenei whakaaro i runga nei e mea ana te Minita mo te taha Maori me tono atu ia ki a korua kia whakamutua te whakapau moni i naiane i runga i ta korua Komihana. Engari ka puritia ano e ia tona tono kia tae mai ra ano ta korua kupu whakahoki mo tenei reta.

Heoi,
NA TE RUIHI,
Heketai.

Kinga Komihana, Poneke.

ETA,—

Poneke, 14 Aperira, 1880.

Kua tae mai te reta a Te Ruihi ki mai kua tata te pau o nga moni i pootitia mo te Komihana o te Waipounamu; me te tono mai kia whakaaturia atu ta maua mahi a me "kaua e puta atu i nga moni i whakaritea e te whare," a me te ki mai ano hoki he takiwa pai tenei hei whakaotinga i taua mahi kia pootitia ra ano he moni hou e te Paramete hei whakahaere mo te Komihana.

Koia tenei ta maua kupu i ta maua whakaaetanga ki ta maua Komihana kaore maua i mohio tera ano kua takoto he rohe mo nga moni hei paunga i te Komihana. Na i te mea kaore maua e mohio mehemea ranei ki te mahi tonu maua tera e nui atu te pau o te moni i era e kiia ra e te reta a Te Ruihi—heoi ka whakaae maua kia mutu ta maua mahi mo tenei takiwa a kia kaua hoki e pau atu ano etahi moni kia oti rano te whakaritenga a te Paramete mo taua mahi.

I runga i ta maua whakatarewa i ta maua mahi ko ta maua whakaaro tenei me tau anake ki runga ki a koe te tikanga i whakamutua ai taua mahi.

Kua kiia mai hoki ki te kore e puta atu he kupu tuturu ma maua e kore aua moni i pootitia ra e pahikatia atu e nga mahi a te Komihana, ka tonoa maua kia mutu i konei te whakapau i nga moni ko ta maua kupu tenei e kore maua e ahei ki te ki atu i tena kupu tuturu heoi kaore he huarahi ke atu.

Na ko tenei ka hui maua ki Akarana ki te whiriwhiri i nga korero kua oti ki te aroaro o te Komihana a ki te whakarite hoki i nga korero e toe atu ana. Engari i tenei takiwa e mea ana maua kia mau tonu ki a maua ta maua Heketari.

Heoi na maua

NA T. H. TE METE.
NA F. E. NEANA.

Ki Te Minita mo te Taha Maori, Poneke.

E TA MA,—

Tari Maori, Poneke, 16 Aperira, 1880.

I runga i te Whakahau a te Minita mo te Taha Maori mo ta korua reta—tenei au ka whakaatu atu ki a korua e whakaae ana a te Paraihe kia tau ki runga ki a ia anake te tikanga mo te whakamutunga i nga moni mo ta korua Komihana kia kaua e nui atu i nga mea i pootitia nei e te Paramete.

Kia tae katoa mai nga pire katahi ano a te Paraihe ka mohio e hia ranei aua moni e toe ana.

E kore ia e whakaae ki te whakamana i nga pukapuka moni ahakoa hei utu mo te Heketari mo te aha ranei mehemea e puta atu ana i nga moni i pootitia ra. Tetahi e kore ia e mea atu tera te Paramete e tonoa kia whakaritea ano etahi moni hou mo te Komihana.

Heoi

NA TE RUIHI
Heketari.

Ki Nga Komihana, Poneke.